

**BOSNA I HERCEGOVINA**  
*Agencija za razvoj visokog  
obrazovanja i osiguranje  
kvaliteta/kvalitete*  
**Banja Luka**



**БОСНА И ХЕРЦЕГОВИНА**  
*Агенција за развој високог  
образовања и обезбјеђивање  
квалитета*  
**Бања Лука**

*Agency for Development of Higher Education and Quality Assurance*

## **Saopštenje sa 12. sjednice Upravnog odbora Agencije za razvoj visokog obrazovanja i osiguranje kvaliteta**

održane 14.02.2010. godine u Banjaluci

Dvanaesta sjednica Upravnog odbora Agencije za razvoj visokog obrazovanja i osiguranje kvaliteta održana je 14. februara 2011. godine u Banjaluci.

Na sjednici kojom je predsjedavao predsjednik prof. dr Mišo Kulić, članovi Upravnog odbora usvojili su Izvještaj o radu Agencije za razvoj visokog obrazovanja i osiguranje kvaliteta za period od 01.01.2010.-31.012.2010. godine.

U uvodnom izlaganju direktor Agencije prof. dr Nihad Fejzić istakao je da je Agencija u izvršavanju svojih nadležnosti provela procedure i niz aktivnosti koje se odnose na utvrđivanje liste domaćih i međunarodnih stručnjaka koji ocjenjuju i obavljaju reviziju kvaliteta i daju preporuke o akreditaciji visokoškolskih ustanova i studijskih programa. Nakon provedenog javnog konkursa, utvrđena je lista od 334 eksperta, koju su usvojila sva ministarstava nadležna za obrazovanje u Bosni i Hercegovini, te nadležno odjeljenje u Vladi Brčko distrikta Bosne i Hercegovine. Agencija je donijela Odluku o Kriterijima za akreditaciju visokoškolskih ustanova u Bosni i Hercegovni koja je objavljena u „Službenom glasniku Bosne i Hercegovine“, broj 75/10. I pored navedenih aktivnosti koje je preduzela Agencija, mogući model postupka akreditacije visokoškolskih ustanova još nije utvrđen, budući da je Agencija tek jedan od učesnika u ovom postupku. S tim u vezi, preduzimaju se aktivnosti u saradnji sa nadležnim obrazovanim vlastima da se u što skorijem periodu izradi model postupka akreditacije visokoškolskih ustanova u Bosni i Hercegovni. U oblasti razvoja visokog obrazovanja, objektivni ograničavajući faktori internog i eksternog karaktera sa kojima se susretala Agencija, uspješno se otklanjaju. Ipak, u narednom periodu, potpuno implementiranje svih nadležnosti propisanih Okvirnim zakonom, a posebno u oblasti razvoja visokog obrazovanja, ostaje kao prioritetni zadatak Agencije u 2011. godini, zaključio je Fejzić.

Na sjednici Upravnog odbora jednoglasno je usvojen Poslovnik o radu na period do 16.12.2011. godine. Na isti period Upravni odbor potvrdio je mandat predsjedniku prof. dr Miši Kuliću i potpredsjednicima doc. dr Ivi Roziću i prof. dr Sabahudinu Ekinoviću.

[www.hea.gov.ba](http://www.hea.gov.ba), e-mail:[info@hea.gov.ba](mailto:info@hea.gov.ba)

BA – 78000 Banja Luka, Stepe Stepanovića 11, Tel.: +387 51 430 510, Fax: +387 51 462 302,

Članovi Upravnog odbora odložili su za narednu sjednicu raspravu o prijedlogu Programa rada Agencije za razvoj visokog obrazovanja i osiguranje kvaliteta za 2011. godinu. Upravni odbor odobrio je privremeni program aktivnosti Agencije za prva tri mjeseca tekuće godine uz obvezu da na prvoj sjednici u aprilu razmatra i usvoji Program rada Agencije za 2011. godinu.